

七

人

吟

稿

序

三十一年壬午春季余始於復旦授歷代詩選慧民女弟聽講而更請益乃以所學唐人詩法相授閱其試作必其有成至秋季品僊女弟復學素有吟哦之好亦來共研討並偶及詩餘惟僅興之所至而已二人筆致迥異而竟成莫逆是年寒假鏡清女弟時一過舍或論人生或談世變未作學詩計也三十二年癸未春季與小方斯璘耀光吟梅諸弟同來存候乃相約從游因昂以當抱獨善兼濟之志發爲文章始有氣有骨自此以後斯七人者春風秋雨過從之密宛若家人焉三十三年甲申春鏡清回籍皆有離羣之感幸喜於三十四年乙酉春又來上海至是年之夏反攻之機已熟登陸之說頻傳淞滬人民一喜一懼小方先全家內徙品僊又省親到浙慧民亦擬奉母還鄉每當提別既虞兵燹復感分離思及亂離之

後或且相見無期於是惜別之情又不僅黯然而已者矣至八月間消息傳來山河復整日月重光慧民尚未成行品僊小方均先後歸來既覩曠代之勝利復得一堂之歡敘高談縱笑快可知也今年春品僊初入仕途慧民即到京小住斯璘耀光吟梅均將畢業僅鏡清小方留校尙有一年之期於是七人皆有感於今後南北東西去來靡定求如幾年來之同止同行爲不可再得余以其所作皆已斐然可觀乃爲倡議選歷年積稿合刊一集用留紀念並廣求高明之指正以期天梯石棧攀登有日焉中華民國三十五年丙戌永康應功九序

七人吟稿

目錄

序……………一一二

慧民詩詞稿……………一一二

品儒詩詞稿……………一三一—二四

鏡清詩稿……………二五一—二八

小方詩稿……………二九—三二

斯璘詩稿……………三三—三六

耀光詩稿……………三七—四六

吟梅詩稿……………四七—五〇

慧民詩稿

崇明陸慧民未是草

畫梅

又是春風欲動時
黃昏深院雨絲絲
年來幽恨無人訴
畫得梅花說與知
憶素娟表姊二首

昔年同醉菊花杯
慙憶前塵話劫灰
欲問江干西去棹
何時載得故人來
月白風清萬里晴
橫空雁影動離情
故人別後無消息
秋未深時秋恨成
別宛之二首

萬里王畿好駐驂
誰云堪戀是江南
汪倫未得相隨去
空對桃花千尺潭
客裏送君歸故國
數聲風笛賦驪歌
多情自古傷離別
我不多情別恨多
東風

東風落盡故園花此去天涯復水涯歲歲春光來又去枉教啼鴂怨年華

春日八首

芳春曉色最宜人楊柳如烟草似茵南陌踏青看不足任他風雨夜來頻
去年歸向故鄉行紅杏花繁柳線輕今日風前倍惆悵耳邊杜宇一聲聲
東風駘蕩作春晴小院沉沉飛絮輕無語樓西閒望望歸程無際水盈盈
江南春色動離情楊柳含烟綠滿城長日客中憐寂寞杜鵑聲裏又清明
徘徊陌上拾衣輕此日東風倍有情微拂柳絲翻綠浪緩吹桃蕊展紅英
白雲冉冉水悠悠煙景風光一望收不向五湖尋范蠡祇緣堤柳繫行舟
凝露天桃勻淺絳舞風垂柳嬾長絲遊人盡說江南好正是江南最好時
春風春雨惹春愁春樹花隨春水流又是今春春欲盡春雲處處黯層樓

別

流水潺湲夕照微此時欲別又依依從知今後天涯遠卻悔頻年相見稀

秋夜有懷

數年勞燕感分飛消息天涯今更稀寥落江南風雨夜蛩音淒絕繞塔微
故人二首

經年消息渺音塵雁字橫空過往頻惟有玲瓏簾外月夜來長照不眠人
月明似水水連天寂寂江樓未入眠想得故人遙夜裏含愁思我倚闌前
消息

莫怨

萬家歡樂頌昇平從此風煙六合清消息傳來欣不寐碧闌干外月三更
莫怨他鄉作客頻避秦今喜見亡秦長江浪滌胡塵盡勢挾風雷力萬鈞
應師處獨步歸來苦念品僊口占

歸途獨步竟茫茫靜夜悠悠月似霜最憶昨宵分袂語君珍重在他鄉
別後夢品倦

冷月無聲照碧水長提垂柳嫩千絲夢中執手成嗚咽依舊殷勤話別離
懷舊

萬里長安遠春風此日同縱教音信斷不礙夢魂通草染曲江碧花留上
苑紅芳時懷舊侶何處繫游驄

送人之西南

送別臨南浦情多無一辭淚痕襟上濕艤影渡頭移惆悵無可奈迢遙何
所之瀟湘千萬里長自寄相思

寄遠

昨夜西風緊紛紛落葉黃蛩語喧靜院鴉點亂斜陽物感隨時序人憐憶

故鄉東歸蓬船客底事滯瀟湘

重九

佳節又重九風高雁陣輕想行內寂寞遠獨登臨
解菊經霜綻江楓帶雨清頻年羈旅客歸夢幾時成

夜夢 先君醒後枕上口占

夢裏音容似昔年重依膝下倍淒然相看淚眼腸
縈結欲訴愁懷語萬千母女他鄉長作客風煙故
里尙瀾天自將五載煢煢感吟似寒蛩夜不眠

冬夜

滿庭黃葉繞塔飛秋盡江南景物非古道夕陽雲
樹遠高風天末雁行微亂離歲月他鄉短消息親
朋故國稀獨倚寒燈愁對影輸他霜菊隔窗肥

慧民詞稿

崇明陸慧民未是草

憶江南

江南好二月醉人天燕子磯頭紅杏雨鷄鳴埭上綠楊烟風景憶當年

調笑令

明月明月照得離人愁絕清晨庭院風微驚起雙雙蝶飛飛蝶飛蝶別恨
還同誰說

長相思

采蓮舟采菱舟樂事當年憶舊遊風高人倚樓風悠悠水悠悠秋入湖
心點點愁蘆花盡白頭

昭君怨

晨起眉峯未掃何處輪聲偏早疑是故人來院門開
風過簾波微動重
覓舊歡如夢攜手醉花前是何年

點絳脣

舊事思量似一片落紅飛絮任風吹去渺渺無尋處
草長鶯飛寂寞江
南路無情緒攢眉千度又是春將暮
無賴秋蟲枕邊喚起愁人睡迢迢清夜不啻人垂淚
爲客他州落葉西
風裏情何似東流江水激澗無時已

浣溪沙

一曲梅花破寂寥小窗燈灺漏迢迢誰家玉笛弄清宵
寂寂深閨鴛枕
獨綿綿征路馬蹄遙此時相望兩魂銷

減字木蘭花

綠楊陰下隄畔畫船隄上馬蓮瓣舒紅花氣吹來繡浪中
晚風過處雲影自來還自去水榭憑闌閑看斜陽山外山

更漏子

碧窗虛瑤砌靜一樹垂垂花影燈穗燼月輪低五更聞子規
愁情亂離腸斷寂寞謝家深院巴峽畔蜀江湄此情誰得知

清平樂

落花啼鳥逝去春多少午睡醒來思悄悄金鴨香煙繚繞
起來獨倚朱闌垂楊芳草芊芊消息在人何處青山外又青山
重來舊地滿目淒涼意墜葉紛紛飄滿砌長恨此身如寄
玉樓管急絃繁聲聲飛入雲端一聽一聲腸斷淚痕如雨汎瀾

浪淘沙

一字一思量紙短情長感君爲我斷離腸同是天涯羈旅客兩處他鄉
丹桂檻邊香風滿迴廊等閒容易已秋光欲待飛鴻傳片語立盡殘陽

鵲橋仙

晚風漸動纖雲微卷眉月一彎初吐涼生羅袖倚雕闌無限恨當年南浦
新愁似水舊歡如夢歲歲佳期長阻一重水又一重山何處是離人歸
路

卜算子慢

煙籠淺碧雨釀輕寒正是江南春半卻送征車待發東門追餞恨人生聚
散浮雲幻縱綠柳垂絲萬縷風輪一去難綰蜀道通秦暫向路入雲遙
輟隨峯轉石棧天梯應見芒鞋踏遍仰晴空不歎胡塵黯但莫忘中原消
息付霜天歸雁

齊天樂

繁華六代香塵杳江城又迎客到紅樹亭台綠楊堤岸不改江南窈窕暫
舒襟抱向別館尋芳晴湖垂釣十日平原流連未免餘情嬾雲烟過眼
縹緲但月下風前幾回夢繞燕子磯邊鷄鳴埭上青巘綠波應好替人含
惱甚東去西來遊踪如掃長任春光付村花山鳥

滿庭芳

晝暖催花堂深聞燕江南又到春濃柔條堪折疎柳淡烟籠最是深情無
限闌下外閒嬾東風似吹笛陽關送客一曲玉玲瓏淒涼誰識我正傷
羈旅添取愁容望故園不見極目雲重百尺長隄綠映猶在否湖水空濛
曾記得郊遊歸晚緩步任雕甍

寶鴨溫綢瓊枝璀璨畫堂良夜開樽胡蝶蠻舞綽綽綺羅輕應是昭陽班

首羣仙裏玉立亭亭多情處橫波轉盼秋水一泓清
 蘭麝猶着衣襟似曲終人盡江上峯青探看倩他青鳥平山路更遠蓬瀛
 凝想久霜雞啼夜斜月閒疏星

品僊詩稿

奉寶蔡品僊未是草

胡騎

胡騎縱橫幾度秋
衣冠改盡舊風流
此身若化長江水
定作洪濤撼石頭

懷有懷

帳望天涯淚滿衣
秋深長羨雁南飛
思親空作還家夢
水郭山村策馬歸
亦有長房縮地心
黃昏烏鵲正歸林
若教身附雙飛翼
山未爲高水未深

偶成

花滿枝時恨最多
怕聽商女後庭歌
垂楊遍繫胡兒馬
極目春城可奈何

寄聲顯

霜天搖落斷腸時
獨住江南恨可知
記得征車馳十里
送君折盡綠楊枝